


امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلمزده موافق آثار قبول اولنور.
درج ایدلین اوراق اعاده ایلماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کوناری نشر اولنور ادبی، فنی و صناعی غزیه در

نسخه سی ۱ غروش

بلبل، اوقانادلی شاعره، وحدت کزین
استغراق اولدینی آغاجده غایت محرق بر
کفته اوقور!

شهرک آوازه های وهویندن بی خبر،
مدینتک دغدغلی حیانتدن آزاده، مسعود
کویلی، وحشی کنج — برحس مصومانه
سودا ایله متحسس اوله رق — متأثرانه
قوالنی چالار.

کوی کنارنده: — صیرما صاچلرینی
کلشی کوزل دوش نازینه صالی ویرش
— برقیز، برخاقه ملاحه منظور اولور.
ایکی نظر معنیدار — بک مشتاقانه بر
صورتمده — یکدیگریه انعطاف ایلر.

بوتقابل انظار، ایکی صحرای کنجک،
احتساسات صافیة محبت آمیزانلرینی آکلاتیر!
کنج عاشق بو کوی قهرمانی یاواش
یاواش نزد جانانه نقرله حرارتلی دوداقلری
پرستیده قلبنک آجیق پنبه کل رنکنده کی
دوداقلرینه تماس ایدر. بو صیراده اوتادره
حسنک — بر لوحه صباوت عرض ایله یین
چهره نشوه فروزنده — اعتراف عشقه
دلالت ایدن — ملکه، «طانی بر تبسم»
پرتوریز سودا اولور! . . .

— — —

آجی بر تبسم:

شهرکشای آشیان غروب اولان خورشید
زرین بال صفحات کائناتی دونوق، دونوق
ضیالریله تنویر ایدر.

بیاض مانطوره بورونمش بر جبلك
داماننده؛ عاشق الهی چهره سی قدر صولمش
صباردمش بر مشجره صولک پارقیلرینی
دوکر.

صرصر شور انکیز خزان، مؤثر بر
واویلا قوپاریر!

قوشلر لانه کزین اولدقلری آغاجلره
حزین حزین ترانلریله فصل وداعی اوقور!
بر قوش — خواننده طبیعت — بر
منظره فنا عرض ایدن زمرد قام سروک
دلاری آراسنده محزون محزون کریه ریز
الحان اولور.

اوراده نظر تأثره یکی برمدفن ایلیشیر.
دها اوتده، مراقبه مدهوشانه طالمش
بردی قانی کورولور!

بو بی چاره کیم؟
روحی قدر سودیکی دلدار آتشین عذارینی
ایکی کون اول او حفره ظلمت پناهه تودیع
ایلمش برمدور عشق!

کتابه سنک مزار جانانه — احتمالکه:
ینه طبعی مائل آهنگ حزین، متأثر برکنج
شاعرک کوز یاشلریله — یازیلان بر مرثیه
جکرسوزانه بی دالغین، دالغین مطالعیه
قویولور!

اوزون، سیاه کیرپیکلری آراسندن
اشعه فشان لطافت اولان ایکی چشم شهلا
قانی، قانی دمدلر دوکر.
ایوا!

بو نوباوه باغ شباب ایلك دفعه اوله رق
کوکس کردیکی شوصمه تحمل کداز بالادن
بایلیر، قالیر!

سبحان الله!
نه مددش تماشا!
آرادن بر ساعت کچر.

بدنخت چوجوق! نملک، خون آلود
کوزلرینی آچار. اللری وضعیانه سایه دیکر،
سوکیلمسک انبساط روحنه دعا ایدر.

— شیمدی احتمالکه: ملکلرک آراسنه
قاریشان — پرستیده سنک، او مددور
سودانک مقبری او جنده بری صاریه مائل
بیاض، دیکری قیرمزی ایکی ورد نوشکفته
مشاهده اولور.

بونلری کوره نلر رسام طبیعت، بو
فلک زده کنجک، مشوق سیله برکونکی صورت
ملاقاتکی تصویر داعیه سنه دوشمش ظن ایلر.
بلکنده بر طالعسنک کوزلرندن دوکولن
باران سرشک ایله خنده غای انکشاف اولان
بویکی کلغنجه محزونیتی ناکام کنج کورور
کورمز سونوک، رنکسز دوداقلرینی «آجی
بر تبسم» آچار! . . .

— — —

کریه ناک:

سما صاف!
موجودات خواب صفایه دالار. لیلا

لیال اولان قیرک انوار سیمینی، عالمی بر
«نور دریاسی» ایچنده بیراقیر!

آغاجلرک زمردین کسوله لره بورون
دلارینی کرسی استغراق انتخاب ایله یین
قوشلرک — محبوه شرقت ایلك تبسملرینی
سلاملایان — لغزات طرب انکیزانلری،
اطرافده فرمان فرما اولان عمیق برسکوتی
اخلال ایدر.

مسعود چوبان بشوش، بشوش خوابکا
هندن چیقار.

صباوت دملرندن بری ائتلاف ایله دیکی
بدایع سامان سوز طبیعت «نشوه جویانه»
نکدانداز اولور.

جویبار خوش روان، هوای نسیمی
مصومیت ایچنده پرورش یاب اولان — وجه
پرتو بارنده. مشاطه طبیعتک تزینات جهان
پسندانه سندن باشقه برشی کوروله یین،
تصویر لطافتده اک مقتدر قلملری لغزیده
پای حیرت ایدن — بر بدیعه صحرایه نلک
دره دن، تپدن اوقودینی شرقلره اولطیف،
مهیج سوداچاغلیرله هم آهنگ اولمق ایستیر.
نسیم آهسته وزان، غصون اشجاری
خفیف، خفیف اهرازه کتیریر.